

Déi neiste Baitreeg op dësem Site:

News

[28.7.2017 Schued dass all déi wichteg Jubiläumen an d'Gambia-Zäit gefall sinn.](#)

14 Aug 2017

(comments: 0)

Bei der aktueller Regierung steet et schlecht fir eis Geschicht:

Keng vum Staat organiséiert Ausstellung iwwert den 1. Weltkrich,

kee Fest fir 175 Joer Onofhängegkeet,...

Schued dass all déi wichteg Jubiläumen an d'Gambia-Zäit gefall sinn, an dowéinst net anstänneg drun erënnert gouf.

Gëschter, de 27. Juli 2017 hätt den 1. Groussherzog aus eiser Dynastie 200 Joer kritt.

De Groussherzog Adolph von Nassau-Weilburg ass de 27. Juli 1827 zu Wiesbaden gebuer ginn an am Joer 1890 Groussherzog vu Lëtzebuerg ginn. Hien ass den Ur-ur-Grousspapp vum aktuelle Groussherzog Henri.

2014: 175 Joer Onofhängegkeet

2014: 100 Joer Ufank vum 1. Weltkrich

2015: 200 Joer Wiener Kongress

2015: 125 Joer Dynastie Nassau-Weilburg

2017: 150 Joer 2. Vertrag vu London

[Read more ... 28.7.2017 Schued dass all déi wichteg Jubiläumen an d'Gambia-Zäit gefall sinn.](#)

[18.7.2017 Dem Ministère seng 30 Experten fir d'Aféiere vum Franséischen an der Spillschoul.](#)

31 Jul 2017

(comments: 0)

De Ministère presentéiert 30 Experten an dat fir d'Aféiere vum Franséischen an der Spillschoul. Ee vun deenen "neutralen" "Experten" ass d'Laura Zuccoli, Presidentin vun der ASTI.

Ënnert den "Experten" sinn nach aner politesch Aktivisten, déi net neutral sinn, wéi z.B. de Gilbert Pregno.

Verschidden "Experten" gi mat engem Zitat presentéiert, dat näischt direkt mam Thema ze dinn huet, wéi z.B. de Romain Martin an d'Christine Hélot.

Verschidden Experten hu sech schonn an der Vergaangenheet fir e méi spéit Aféiere vum Franséischen ausgeschwat, also de Contraire vun elo, sou wéi de Romain Martin.

Op mannst een Expert gëtt falsch presentéiert: de Gerard Gretsches ass net (méi) op der Universitét Lëtzebuerg.

Vill "Experten" aus dem Ausland schwätze vun zweesproocheger Erzéiung, woubäi et hei zu Lëtzebuerg fir zwee Drëttel vun de Kanner dann schonn 3 oder 4 Sproochen sinn, déi si am Spillschoulsalter léiere mussen. (Annick De Houwer, François Grosjean, Ofelia García, Ellen Bialystok)

A verschidden Experte soe mat hirem Zitat eigentlech de Contraire vun deem wat den H. Meisch maache wëll, sou d'Martine Pinzi, si seet dass d'Mammesprooch méi misst gefördert ginn.

<http://www.men.public.lu/catalogue-publications/enfance-jeunesse/infos-generales-offre/170711-meisproochegkeet-broch/Meisproochegkeet-depliant.pdf>

[Read more ... 18.7.2017 Dem Ministère seng 30 Experten fir d'Aféiere vum Franséischen an der Spillschoul.](#)

[6.7.2017 Merci un d'Politiker aus dësen Gemengen fir Lëtzebuergesch Stroossennimm.](#)

06 Jul 2017

(comments: 0)



Bravo un déi verantwortlech Gemengepolitiker!

Firwat sinn eis Stroossennimm eigentlech net alleguer an eiser Sprooch?

Gëtt et e Grond fir de Stroossen Nimm an enger Friemsprouch ze ginn, nodeems Lëtzebuergesch schonn 1984 de Statut vun National- an Amtssprooch krut?

Firwat gëtt de lëtzebuergeschen Numm meeschtens "schif" geschriwwen, sou wéi wann dat net sou wichteg wier?

Dobäi kënnt, datt all eis Dierfer an eis méi al Stroosse jo am Original Lëtzebuergesch Nimm hunn. Firwat benotze mer d'Original net?

Op der Foto:

Tandel, Kielen, Käerch, Ëlwen, Rëmeleng, Betzder, Wäisswampech

Souguer an eisen Nopeschlänner gëtt et lëtzebuergesch Stroossennimm:

am Areler Land an der Gemeng Atert: [hei](#)

an der "moselle germanophone" zu Forbach (Platt) [hei](#)

Ziler vum Wee2050:

<http://wee2050.lu/index.php/wee-2050.html>

Wann dir eis Initiativ wëllt ënnerstëtzen dann kënnt Dir dat maachen mat engem Don:

<http://wee2050.lu/index.php/spenden.html>

[Read more ... 6.7.2017 Merci un d'Politiker aus dësen Gemengen fir Lëtzebuergesch Stroossennimm.](#)

[1.7.2017 Ass eng gezielte Campagne am Gaang géint eis Méisproochegkeet a géint dat Däitsch a Lëtzebuergesch hei zu Lëtzebuerg?](#)

05 Jul 2017

(comments: 0)

Ass eng gezielte Campagne am Gaang géint eis Méisproochegkeet a géint dat Däitsch a Lëtzebuergesch hei zu Lëtzebuerg?

Wéi scho fir de neie Rektor vun der Uni Lëtzebuerg, gëtt och elo bei der Abtei Neimënster e Pressechargé gesicht dee weder Däitsch nach Lëtzebuergesch kënne muss.

Och d'Internetsäit vun der Abtei Neimënster ass just op Franséisch an Englesch.

Mir froen:

1. Firwat gëtt ëmmer méi dacks mat eiser Méisproochegkeet gebrach?

2. Firwat gi béid Sproochen am Verglach zum Franséischen diskriminéiert?

Mir erënneren un d'Sproochegesetz:

Lëtzebuergesch ass d'Landessprooch (Nationalsprooch). Lëtzebuergesch, Däitsch a Franséisch sinn déi 3 administrativ Sproochen.

[Read more ... 1.7.2017 Ass eng gezielte Campagne am Gaang géint eis Méisproochegkeet a géint dat Däitsch a Lëtzebuergesch hei zu Lëtzebuerg?](#)

[29.6.2017 O-Toun Claude Meisch "Ënnerscheedlech Schoule fir ënnerscheedlech Schüler" Dat ass dach den Albdram vun de Sozialisten](#)

29 Jun 2017

(comments: 0)

Trennung amplaz Inklusioun?

Auserneen amplaz mateneen?

Parallelgesellschaften amplaz Integratioun?

Soss huet sech d'LSAP (an och déi Gréng) agesat fir d'Gesamtschoul - ENG Schoul fir ALL d'Kanner.

De Wee2050 setzt sech weider a fir déi heiten Ziler:

3. De lëtzebuergesche Schoulsystem muss als beschten Integratiounswée promovéiert ginn.

3.1. Den auslännesche Matbierger kloer maachen dass hir Kanner nëmmen a lëtzebuergesche Schoule voll integréiert ginn.

3.2. Lëtzebuergesch muss an alle staatlech ënnerstëtzte Schoule zu Lëtzebuerg, wéi de Lycée Vauban oder ISL (International School), ugebuede ginn.

3.3. An de staatlech ënnerstëtzte Crèche muss Lëtzebuergesch geschwat ginn.

3.4. Am Précocé an an der Spillschoul soll d'Fërderung vum Lëtzebuergeschen am Mëttelpunkt stoen a keng weider Friemsprooch geléiert ginn.

[Read more ... 29.6.2017 O-Toun Claude Meisch "Ënnerscheedlech Schoule fir ënnerscheedlech Schüler" Dat ass dach den Albdram vun de Sozialisten](#)

- [« First](#)
- [Previous](#)
- [33](#)
- [34](#)
- [35](#)
- 36
- [37](#)
- [38](#)
- [39](#)
- [Next](#)
- [Last »](#)